

**Folketingip Ombudsmandia pillugu inatsisip allanngortinnejarnissaa  
pillugu inatsisit assigiinngitsut Kalaallit Nunaannut  
atuuilersinnejarnissaannut peqqussut**

UAGUT MARGRETHE APPAAT, Guutip saammaassineratigut Danmarkip Dronningia, uppernarsarparput:

Folketingip Ombudsmandia pillugu inatsimmi, inatsit nr. 473, 12. juni 1995-imeersumi § 34, imm. 2<sup>i</sup>, Folketingip Ombudsmandia pillugu inatsisip allanngortinnejarnissaa pillugu inatsit nr. 556, 24. juni 2005-imeersukkut allanngortinnejartumi (Kommuninik aaqqissusseqqinnerup, inatsisip Savalimiuni Kalaallit Nunaannilu atorneqarnissaata il. il. malitsigisaannik allannguinerit), Folketingip Ombudsmandia pillugu inatsisip allanngortinnejarnissaa pillugu inatsit nr. 502, 12. juni 2009-meersumi § 3, imm. 1<sup>ii</sup>, (Folketingip Ombudsmandiata soraarnerussutisiai, oqartussaaffinnut ilaannakortumik pisortanit ingerlannejartunut kiisalu suliffeqarfinnut namminersortunut il. il. atatillugu piginnaatitaaneri) aamma Folketingip Ombudsmandia pillugu inatsip allanngortinnejarnissaanik inatsit nr. 568, 18. juni 2012-imeersumi § 3, imm. 1<sup>iii</sup> (Folketingip Ombudsmandiata piffissaq suliffigisassaata aalajangersarnera, Folketingip Ombudsmandianut isumaqatigiissuteqareernikkut soraarneq, soraarnerussutisiaqarneq aamma kingornatigut akissarsiat pillugit maleruagassat avaqqunneqarsinnaanerat, kiisalu Folketingip Ombudsmandiani meeqlanut allaffimmik pilersitsineq), naapertorlugit aalajangersarneqarpoq:

**§ 1**

Folketingip Ombudsmandia pillugu inatsit nr. 473, 12. juni 1996-imeersumi, inatsit nr. 556, 24. juni 2005-imeersukkut allanngortinnejartumi tulliuttunik allannguisoqassaq:

**1. § 1-imi imm. 1-ip kingorna immikkoortut nutaat ilanngunnejassapput:**

»*Imm.* 2. Ombudsmandip piffissaq atorfearfia ukiunit 10-nit sivisunerusinnaanngilaq.

*Imm.* 3. Folketingimut nutaamik qinersisoqareernerata kingorna, imaluunniit Ombudsmandip piffissaq atorfearfia naareernerata kingorna, ombudsmandi atorfimmini ingerlaqqiinnassaaq, Folketingip ombudsmandimik nutaamik toqqaanissaata tungaanut, ombudsmandillu nutaamik qinigaasup atorfiminut invertitaanissaata tungaanut. Taamaattoq Folketingi Folkeringimut nutaamik qinersereertoqarnerata kingorna imaluunniit ombudsmandip piffissaq atorfearfia naareernerata kingorna kingusinnerpaamik qaammatit 6-t qaangiunneranni ombudsmandimik qinersissapput.«

Imm. 2 allannguinerup kingorna tassaalerpoq imm. 4.

**2. § 5-imi »utaqqinermi aningaasarsiat« allanngortinneqassaaq: »kingorna aningaasarsiat«-nngorlugu aamma »§§ 3-7« allanngortinneqassaaq: »§§ 3-5«-nngorlugu.**

**3. § 5-imi *imm. 2-tut ilanngunneqassaaq:***

»*Imm. 2. Ombudsmandip ministerit akissarsiaat soraarnerussutisiaallu il. il. pillugit inatsimmi § 5 malillugu naatsorsugaasut kingorna akissarsiarititaasut soraarnerussutisiaallu pinnagit, maledruagassat Folketingip atorfilittaanut atuuttut malillugit naatsorsugaasunik soraarnerussutisiaqarnissaq qinnuteqaatigisinnaavaa, tak, atorfilit soraarnerussutisiaat pillugit inatsimmi § 1, imm. 2, taamaalilluni piffissaq ombudsmandip ombudsmanditut atorfefeqarfigisimasaa soraarnerussutisiaqarnissamut ukiunut tamarmiusunut ilanngullugu naatsorsorneqarsinnaassalluni.«*

**4. § 6, *imm. 2-mi »utaqqiisaasunik aningaasarsiat« allanngortinneqassaaq imaalillugu: »kingorna aningaasarsiat«-nngorlugu.***

**5. § 6-imi *imm. 4-tut ilanngunneqassaaq:***

»*Imm. 4. § 4, imm. 1, § 5, imm. 1, pkt. 2., aamma imm. 2, aamma § 6, imm. 1-3, ombudsmandip aamma Folketingip siulittaasuata isumaqatigiissuteqarnerisigut avaqqunneqarsinnaapput.«*

**6. § 7, *imm. 1-imi »pisortat ingerlatsiviata« kingorna ilanngunneqassaaq: », naalagaaffiup oqartussaasuinit isumagineqartut«.***

**7. § 7, *imm. 1-imi pkt. 2.-tut aamma 3.-tut ilanngunneqassaaq:***

»*Ombudsmandip suliaqarfianut aamma ilaavoq kiffaanngissusiiagaasut suliffeqarfinni namminersortuni il. il. atugaat, tamatumani kiffaanngissusiiagaaneq naalagaaffimmi oqartussat aalajangiinerisigut, kaammattuuteqarnerisigut imaluunniit naalagaaffimmi oqartussat akuerseqataanerisigut imaluunniit akuersinerisigut kiffaanngissusiiiaaneq pisimappat. Aammattaaq ombudsmandip sulineranut ilaapput meeqqat suliffeqarfinni paaqqinnittarfinni il. il. namminersortuni atugarisaat, suliffeqarfiiit paaqqinnittarfiit taakkua suliassaqarfinnut naalagaaffiup ataaniittunut atatillugu suliassanik isumaginnituuppata.«*

**8. § 7, *imm. 4, imatut oqaasertalerneqassaaq:***

»Imm. 4. Piginneqatigiiffiit, suliffeqarfiit, peqatigiiffiit il. il. inatsit Folketingimit akuerineqartoq malillugu imaluunniit allaffissornikkut naalagaaffiup oqartussaasuinit aalajangigaasoq malillugu maleruagassanut tunngavinnullu pisortat ingerlatsinerannut atuuttunut tamakkiisumik ilaannakortumilluunniit akuutinneqalerpata, ombudsmandip aalajangersinnaavaa suliaqarfiit taakkua pineqartut tamatuma annertoqataanik ombudsmandip sulineranut ilaatinneqassasut.«

**9.** §§ 8 aamma 9 atorunnaarsinneqassapput.

**10.** § 11, imm. 2-mi », ministeri, kommunalbestyrelsi imaluunniit nunap immikkoortuani siunnersuisoqatigiit« allanngortinneqassaaq imaalillugu: »imaluunniit ministeri«-nngorlugu.

**11.** § 12, imm. 1, pkt. 2., atorunnaarsinneqassaaq.

**12.** § 12-imi imm. 2-tut ilanngunneqassaaq:

»Imm. 2. Ombudsmandip sulinerminut atatillugu nakkutigissavaa naalagaaffimmi oqartussat susassaqarfiini inatsisit atuuttu imaluunniit allaffissornikkut aalajangersakkat Danmarkip meeqqat pisinnaatitaaffisa qulakkeernissaannut nunanut tamalaanut pingartumillu Naalagaaffiit Peqatigiit meeqqat pisinnaatitaaffii pillugit isumaqatigiissutaannut atatillugu naleqquuttuunersut. Ombudsmandip amigaateqartoqartoq nalileruniuk ombudsmandip Folketingi ministerilu susassaqartoq tamatuminnga ilisimatissavai.«

**13.** § 13, imm. 1, pkt. 1.-mi »§§ 7-9« allanngortinneqassaaq: »§ 7«-inngorlugu.

**14.** § 13-imi imm. 4-tut ilanngunneqassaaq:

»Imm. 4. Ombudsmandip pisuni immikkut ittuni imm. 3-mi piffissaliussaq sivitorsinnaavaa.«

**15.** § 18-imi oqaaseqatigiit pkt. 2.- tut ilanngunneqassapput:

»Misissuinermut taamatut ittumut atatillugu ombudsmandip § 21-p malitsigisaanik iliuusissami saniatigut pissutsit suliffeqarfiup imaluunniit oqartussat aaqqissugaanerat ingerlatsinerallu misissorsinnaavai, kiisalu suliffeqarfiup imaluunniit oqartussat atuisuinik katsorsaanerup sammisqaartitsinerannillu pissutsit nalinginnaasumik inuttut pissutsinik inuppalaassutsimillu pissutsinik aallaaveqarluni misissuisinnaalluni.«

**16.** § 19, imm. 1-imí »Oqartussat« kingorna ilanngunneqassaaq: »il. il.«, aamma imm. 2-mi »oqartussat« kingorna ilanngunneqassaaq: »il. il.«

**17.** § 19, imm. 3, pkt. 2.-mi, »eqqartuussisarnermik inatsimmi kapitali 68« allanngortinneqassaaq: »Kalaallit Nunaanni eqqartuussisarnermik inatsimmi kapitali 34«-nngorlugu.

**18.** § 19 -imi imm. 5-itut ilanngunneqassaaq:

»Imm. 5. Ombudsmandi tamanna pisariaqartutut nalilerneqarpat, qaqqukkulluunniit pisariaqartitamik kinaassutsimik upernarsaateqarluni aamma eqqartuussivikkut aalajangigaanngitsumik suliffeqarfiiit namminersortut il. il. misissuiffiginissaannut isersinnaatitaavoq, taakkua inunnik kiffaanngissusiiagaasunik tigummiagaqarpata imaluunniit tigummiagaqarsinnaatitaappata, tak. § 7, imm. 1, pkt. 2., aamma suliffeqarfiiit paaqqinnittarfiit namminersortut il. il. meeqyanut atatillugu suliassanik isumaginnillutik taamatut tigummiagaqartut, tak. § 7, imm. 1, pkt. 3. Politiit tamatuminnga piviusunngortitsinissamut pisariaqarpat ikuussinnaapput.«

**19.** § 20, imm. 2, imatut oqaasertalerneqassaaq:

»Imm. 2. Ombudsmandip aalajangersinnaavaa oqaaseqaat, nassuaat imaluunniit nalunaarusiaq aamma taakkunannga utaqqiisaasumik naqitaagallartut kiisalu tusarniaanermi allakkiat kiisalu tusarniaanermut akissutit aatsaat allagaatinik takunnissinnaanerup kingorna saqqummiunneqassasut, inaarutaasumik oqaaseqaatip, nassuaatip imaluunniit nalunaarusiap oqartussanut susassaqartunut nassiunneqarnerisa aqaguani.«

**20.** § 21-mi pkt. 2.-tut ilanngunneqassaaq:

»Tamatuma saniatigut ombudsmandip misissuartorluni sulineranut § 18-imi aalajangersagaq atuuppoq«

**21.** § 24, pkt. 1.-imi »Folketingip inatsiseqarnermut ataatsimiitaliaa«-ta kingorna: »aamma ministerimut susassaqartumut« ilanngunneqassaaq.

**22.** § 24, pkt. 2., atorunnaarsinneqassaaq.

**23.** § 25-mi »innuttaasut« allanngortinneqarpoq: »inuinnaat«-nngorlugu.

**24.** § 30-imi »Folketingip« kingorna ilanngunneqassaaq: »imaluunniit Inatsisartut«.

## § 2

*Imm. 1.* Peqqussut ulloq 15. Januar 2024 atuutilissaaq.

*Tunniunneqarpoq [\_\_\_\_\_], ulloq [\_\_\_\_\_]*

Kunngiussutsitsinnik Atsiorpugut Naqissusiillatalu

MARGRETHE R.

/ Peter Hummelgaard

---

i            Aalajangersagaq imatut oqaasertaqarpoq: »Kunngip peqqussutaatigut Kalaallit Nunaannut inatsit allanngortinneqarsinnaavoq, Kalaallit Nunaanni pissutsit immikkut ittut pisariaqartitaannik allannguutitalerlugu.«

ii           Aalajangersagaq imatut oqaasertaqarpoq: »Inatsit Savalimmiunut aamma Kalaallit Nunaannut atuutinngilaq, kunngilli peqqussutaatigut Savalimmiunut aamma Kalaallit Nunaannut atuutsinneqalersinnaalluni, Savalimmiuni aamma Kalaallit Nunaanni pissutsit immikkut ittut pisariaqartitaannik nikinganeqartillugu.«

iii          Aalajangersagaq imatut oqaasertaqarpoq: »Inatsit Savalimmiunut aamma Kalaallit Nunaannut atuutinngilaq, kunngilli peqqussutaatigut Savalimmiunut aamma Kalaallit Nunaannut atuutsinneqalersinnaalluni, Savalimmiuni aamma Kalaallit Nunaanni pissutsit immikkut ittut pisariaqartitaannik allannguutitalerlugu.«